

BESTELAKO XEDAPENAK

HERRI ADMINISTRAZIO ETA JUSTIZIA SAILA

1360

EBAZPENA, 2014ko martxoaren 3koa, Toki Administrazioekiko Harremanetarako eta Administrazio Erregistroetako zuzendariarena. Horren bidez, Errezilgo eta Hernialdeko udalerriek osatutako elkarteak eratzen da, gaikuntza nazionala duten funtzionarioentzat gordetako Idazkaritzako lanpostu bat elkarren artean mantentzeko.

2013ko abenduaren 5ean eta abenduaren 27an izandako bileretan, hurrenez hurren, Errezil eta Hernialdeko udaletako osoko bilkurek onartu zuten gaikuntza nazionala duten Toki Administrazioeko funtzionarioentzat gordetako Idazkaritzako lanpostu bakarra elkarrekin mantentzeko helburuz bi udalerrien arteko elkarteak eratzeko prozedurari hasiera eman zekiola.

Udalek aurreko akordioak onartu zituzten Tokiko Araubidearen Oinarriak arautzen dituen apirilaren 2ko 7/1985 Legearen 47.2 artikuluan adierazitako gehiengoaren arabera.

Toki Administrazioeko gaikuntza nazionalako funtzionarioentzat gordetako lanpostuak betetzeari buruzko uztailaren 29ko 1732/1994 Errege Dekretuaren 3.b) artikuluan arabera, autonomia erkidegoei dagokie berezko dituzten arauak jarraituz beren lurralde eremuan elkarteak eta erakundeak sortu eta desegiteko erabakia hartzea (esan beharra dago, Toki Administrazioaren Arrazionalizazioari eta Iraunkortasunari buruzko abenduaren 27ko 27/2013 Legearen Zazpigarren xedapen iragankorrari jarraikiz, lege hori indarrean jarri –2013ko abenduaren 31– baino lehenago hasitako Estatuko gaikuntza duten funtzionarioei dagozkien administrazio-prozedurak izapidetzen jarraituko direla eta ebatziko direla hasi zirenean indarrean zeuden xedapenen arabera).

Prozeduraren instrukzio fasean, Gipuzkoako Foru Aldundiak, 2014ko otsailaren 12an jasotako txostenaren bidez, adierazi zuen Elkartea hau eratzearen alde zegoela. Gainera esan beharra dago, ez aipatutako udalek, ezta oraingo udaletako idazkari-kontuhartzaileek ere (Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 84. artikuluan arabera betebeharreko entzunaldiaren izapidea eman ondoren), ez dutela fase honetan alegazio bat ere aurkeztu.

Biztanleria eta elkartu beharreko udalerri bakoitzak kudeatzen duen aurrekontua kontuan hartuta, bidezkoa da Errezil eta Hernialdeko udalerriek osatutako Elkartearen Idazkaritza hirugarren mailakoak sailkatzea, 1732/1994 Errege Dekretuaren 2. artikuluari jarraituz.

Hori dela eta, uztailaren 29ko 1732/1999 Errege Dekretuaren 3.2 artikuluari eta Herri Administrazio eta Justizia Sailaren egitura organikoa eta funtzionala ezartzen dituen apirilaren 9ko 188/2013 Dekretuaren 10. artikuluari jarraituz, honako hau

EBAZTEN DUT:

1. artikulua.– Errezil eta Hernialdeko udalek Idazkaritzako lanpostu bat elkarren artean mantentzeko Elkartea eratzea, Errezilen hiriburutza izango duena.

2. artikulua.– Errezil eta Hernialdeko udalek osatutako Elkartearen Idazkaritza hirugarren mailako sailkatzea.

AZKEN XEDAPENETATIK LEHENENGOA

Ebazpen honek ez dio bukaera ematen administrazio-bideari, eta beraren aurka, gora jotzeko errekurtsua jarri ahal zaio Erakunde Harremanetarako sailburuordeari, hilabeteko epean, ebazpena argitaratu eta biharamunetik hasita, hala xedatuta baitago Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 114. eta 115. artikuluetan, eta ez zaio uko egiten errekurtsua aurkezteko xedez zuzenbidean onartutako edozein bideri.

AZKEN XEDAPENETATIK BIGARRENA

Administrazioarekiko Auzietako Jurisdikzioa arautzen duen uztailaren 13ko 29/1998 Legearen 44. artikuluari jarraituz, ukitutako herri-administrazioek ez dute administrazioarekiko errekurtsorik jartzerik izango ebazpen honen aurka. Hala ere, ebazpen hau errekurritu daiteke Euskal Herriko Auzitegi Nagusiaren Administrazioarekiko Auzien Salan, bi hilabeteko epean, ebazpena argitaratu eta biharamunetik hasita, 29/1998 Legearen 45. eta hurrengo artikuluen arabera. Halaber, aurretiaz eta epe berean, Administrazio Erregistroen eta Toki Araubidearen Zuzendaritzari eskatu ahalko diote ebazpena deuseztatu edo atzera bota dezala, hala xedatuta baitago 29/1998 Legearen 44. artikuluan.

Vitoria-Gasteiz, 2014ko martxoaren 3a.

Toki Administrazioekiko Harremanetarako eta Administrazio Erregistroetako zuzendaria,
ELIXABETE ETXANOBE LANDAJUELA.